

10. april 2006

Inatsisartut Suleriaasianni § 36 imm. 1 naapertorlugu Naalackersuisunut imaattunik apeqqutissaqarpunga:

Tjenestemandit kommunimit atorunnaartumit kommunip nutaap allaffeqarfianut nooqataarusunngippata pisinnaatitaaffii pillugit apeqqut

Kommunit aaqqissuuteqqinnissaannut atatillugu kommunit allaffeqarfiisa aaqqissuuneqarnerat allanngortorujussuussaaq – taamallu minnerunngitsumik sulisunut.

Aaqqissuusseqqinnissamut isumalioqatigiit eqqarsaatersuutigisimavaat sulisut suliffitoq-qatik atorunnaarpata qanoq pineqassanersut pillugit, kommunimilu allami assingusumik atorfeqalernissaannut periarfissinneqassallutik. Sammineqartoq pillugu ima allapput:

”Aaqqissuusseqqinnissamut isumalioqatigiit isumaqarput sulisut suliat malittariaqaraat – tassalu suliaq nuunneqarpat nooqataassasut.

Atorfeqartitaanermi atugassarititaasut allanngortinneqaratik nuunneqartariaqarput. Sulisut pineqartut soraarsitaannginnissaminnik illersorneqassapput.

Tjenestemandit maanna aaqqissuusaanermi atugassarititaasut assingi piginnassavaat.

Aallaavittut tjenestemandit pisussaataassapput atorfik tulluortoq alla ingerlatissavaat.”

Imaattunik apeqqutissaqarpunga:

- Sulisut suliamik malinnaanissaat pillugu Aaqqissuusseqqinnermi isumalioqatigiit isumaat Naalackersuisut isumaqatigaat? Aap-ipuppat,
 - Tjenestemaninut suliamik kommunimut allamut malinnaarusunngitsut qanoq kinguneqassava?
 - Tjenestemandit qulaani pineqartut nooqataarusunngitsut ukiuni pingasuni sulisussaataanermi akissarsiat pissarsiarisassavaat?
 - Allaanerussava kommunit atorfimmik allamik tulluortumik periarfissiisinaanngippata? Assersuutigalugu kommunaldirektørit ikilingaatsiassapput, taakkulu atorfimmik tulluortumik neqeroorfigisissallugit periarfissaqanngingajappoq, tasisuaartup ”atorfik tulluortup” isuma tasisuaartingaatsiannigikkaanni – taamaalillunilu isumaarutissalluni.
- Kommuninngortussani allannguinnissanut atatillugit tjenestemandinut atugassarititaasut pillugit ajornartorsiuteqalernissaq paasiniarlugu Naalackersuisut tjenestemandit kattufii attaveqarfigisimanerlugit? Aap-iuppat,

- Tjenestemandit suliamut malinnaanissaannut pisussaatitaanerat pillugu naliinnersi tjenestemandit kattuffiisa isumaqatigaasi? Naaggaa-ppat,
 - Taama isummersimanissinnut suut tunngavilersuutigaasigit?
- Tjenestemandit amerlaqisut ilaqutaqarmata kommunimut allamut nuunnissaq pillugu aalajangernissaq tamakku aalajangernissaat imaannaassanngilaq. Tamakku pillugit Naalakkersuisut qanoq iliussamaarpat?

Upernaaneranani ataatsimiinnissaq eqqarsaatigalugu, qulaani pineqartut oqallisaasussamata, 24. april 2004 nal. 12.00 nallertinnagu akissuteqarnissaq kissaatigaara.

Inussiarnersumik inuulluaqqusillunga

Per Berthelsen, Inatsisartunut ilaasortaq
Demokraatit siulittaasuat